

**Bosna i Hercegovina
BRČKO DISTRIKT
BOSNE I HERCEGOVINE
GRADONAČELNIK**



**Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ГРАДОНАЧЕЛНИК**

Trg Robertsa B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Робертса Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-002366/22
Broj akta: 01.1-1413EK-001/22
Datum, 22. 8. 2022. godine
Mjesto, Brčko

Na osnovu člana 16. i 17. Zakona o Vladi Brčko distrikta Bosne i Hercegovine, („Službeni glasnik Brčko distrikta BiH“ broj: 22/18, prečišćen tekst - 49/18, 08/19, 10/19 i 32/19), a u vezi sa članom 17. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), na prijedlog Odjeljenja za obrazovanje, Gradonačelnik Brčko distrikta Bosne i Hercegovine d o n o s i:

**P O S E B N U O D L U K U
O POKRETANJU POSTUPKA JAVNE NABAVKE**

Član 1.

Ugovorni organ Odjeljenje za obrazovanje Vlade Brčko distrikta Bosne i Hercegovine, u skladu sa ukazanom potrebom pokreće otvoreni postupak (sa međunarodnom objavom) javne nabavke i isporuke prehrambenih namirnica za potrebe Obdaništa i zabavišta „Naša djeca“ Brčko (obnova postupka).

Član 2.

Zakonski osnov za provođenje postupka javne nabavke predstavlja član 25. Zakona o javnim nabavkama BiH („Službeni glasnik BiH“, broj 39/14). Ostali uslovi javne nabavke određeni su tenderskom dokumentacijom koja čini sastavni dio ove odluke.

Član 3.

Predmet javne nabavke nije podijeljen na lotove.
CPV kod: 15000000-8 - Hrana, piće i srodni proizvodi.

Član 4.

Procijenjena vrijednost javne nabavke iz člana 1. ove Odluke bez uračunatog PDV-a iznosi: 350.000,00 KM.

Član 5.

Finansiranje nabavke iz člana 1. ove Odluke izvršit će se iz tekućeg Budžeta Odjeljenja za obrazovanje za 2022. godinu i OPF/TB za 2023. godinu, sa organizacionog koda 20040001 i ekonomskog koda 613400.

Član 6.

Vrsta postupka javne nabavke: otvoreni postupak sa međunarodnom objavom.

Predviđeno je zaključenje okvirnog sporazuma sa jednim ponuđačem u trajanju od 14 mjeseci od dana zaključenja Okvirnog sporazuma, a najkasnije do 31.12.2023. godine.

Iznos na koji će se zaključiti okvirni sporazum je iznos procijenjene vrijednosti sa uračunatim PDV-om, a ne na iznos najpovoljnije ponude. Iznos ponude će se uzimati u obzir u fazi analiziranja ponuda i izbor najpovoljnijeg ponuđača, odnosno iznos ponude će služiti samo za rangiranje ponuđača. Kriterijum za dodjelu ugovora: najniža cijena.

Predviđeno je provođenje e-aukcije.

4116/06.9-2022 OS

Ado
06/9/22
G

Član 7.

Kvalifikacioni kriterijum za dodjelu ugovora: 45. i 46. Zakona o javnim nabavkama BiH („Službeni glasnik BiH“, broj: 39/14).

Član 8.

Ova Odluka stupa na snagu danom donošenja i objavit će se u „Službenom glasniku Brčko distrikta BiH“.

Obrazloženje:

Ugovorni organ Odjeljenje za obrazovanje kao naručilac je nakon provedenog otvorenog postupka javne nabavke dana 03.06.2021. godine zaključilo Okvirni sporazum broj predmeta: 13-000284/21, broj akta: 07-1246ZB-0030/21 sa izvršioca „Bosna Kom“ d.o.o. Gračanica (LOT 1) u kojem su se sporazumne strane dogovorile da će po potrebi tokom cijelog ugovornog perioda zaključivati pojedinačne ugovore za nabavku i isporuku prehrambenih namirnica za potrebe Obdaništa i zabavišta „Naša djeca“ Brčko, bez primjene postupaka utvrđenih Zakonom o javnim nabavkama BiH u pogledu svakog pojedinačnog ugovora.

Nakon što je došlo do neizvršenja Okvirnim sporazumom preuzetih obaveza od strane isporučioa roba „Bosna Kom“ d.o.o. Gračanica, Odjeljenje za obrazovanje je u skladu sa članom 5. Okvirnog sporazuma broj predmeta: 13-000284/21, zaključenog dana 03.06.2022. godine i pozitivnog mišljenja Pravobranilaštva Brčko distrikta BiH, broj: M-634/22 od 27.05.2022. godine jednostrano raskinulo gore pomenuti Okvirni sporazum.

Dana 05.08.2022. godine gradonačelnik Brčko distrikta Bosne i Hercegovine je donio Odluku o poništenju postupka javne nabavke prehrambenih namirnica za potrebe Obdaništa i zabavišta „Naša djeca“ Brčko, koji je pokrenut na osnovu Posebne odluke o pokretanju postupka javne nabavke broj predmeta: 13-001745/22 od 15.06.2022. godine, iz razloga što u određenom krajnjem roku nije pristigla niti jedna ponuda za predmetnu nabavku. što prema članu 69. stav (2) tačka a) Zakona o javnim nabavkama BiH predstavlja osnov za poništenje postupka javne nabavke.

S obzirom na gore navedeno i na činjenicu da ugovorni organ Brčko distrikta BiH (Odjeljenje za obrazovanje) ima potrebu za javnom nabavkom i isporukom prehrambenih namirnica za potrebe Obdaništa i zabavišta „Naša djeca“ Brčko, Gradonačelnik Brčko distrikta BiH u skladu sa članom 17. stav (1) Zakona o javnim nabavkama BiH („Službeni glasnik BiH“, broj 39/14) donosi Posebnu odluku o pokretanju postupka javne nabavke.

DOSTAVITI:

1. Odjeljenju za stručne i administrativne poslove -
Pododjeljenju za javne nabavke,
2. Odjeljenju za obrazovanje,
3. Gradonačelniku,
4. Evidenciji i
5. Arhivi.

